

[0]受傷與康復

[1]你算吧啦！我同你已經再有結果。
咁多年嘅心心愛愛而家已經了結咗。
如果！你唔係做到嗰樣過晒火。
你今日或者已經會，叫我做老婆。

[2]你要私人時間玩遊戲機我唔會阻住你。
你同朋友飲酒飲天光我喺屋企等你。
我嘅生日幾月幾號唔提你都記唔起。
你話嗰晚約咗人睇波我都有話唔畀。

[3]我收埋所有感覺做一個識講唔緊要嘅女仔。
跟住你有兩餐一宿我已經心甘命抵。
我都唔知點解我會揀同你一齊。
不過我真係有諗過會同你一生一世。

[4]其實我會感覺你，已經薄情如斯。
其實我又感覺我自己，孤苦無依。
其實我希望唔記得，喊咗幾多次。
其實我繼續畀機會你，再試一試。

[5]我差唔多已經唔記得我跟咗你幾年。
跟你咁多年有幾多夜晚失咗幾多眠。
失眠想打畀你傾計換嚟幾多個唔方便。
咁多個唔方便愛嚟回應全部滄海同桑田。

[6]上個月二十九日，下午四點三十分。
有人話喺火車站見到你攬女你話你自己一個人。
我同你一齊咁耐都仲未分到邊一句係真。
每日差唔多嘅大話同埋每日搵我笨。

[7]我希望你話嗰個女仔只係你公司女同事。
希望你親口同我講你哋食飯都除二。
原來你可以由頭到尾都只係當冇呢件事。
呢個人其實已經唔再值得我鍾意。

[8]我已經好叻同你再有感覺一切到此為止。
以後你有你嘅生活，我乜嘢都唔知。
唔好搵我唔好搞我機會唔再畀多次。
今日我決定做嘢話一就一話二就二。

00173:《受傷與康復》Hurt & Recover

The CC BY 4.0 license REQUIRES that any reused or repurposed content must have the correct ATTRIBUTION. Please use the text below in your citations, printouts and copyright pages.

Attribution Text

"Hurt & Recover" (Cantonese), written by 939, published by HamBaangLaang (© HamBaangLaang, 2022) under a [CC BY 4.0](#) license on hambaanglaang.hk

[Find out more here: [HamBaangLaang Attribution terms and CC 4.0](#)]
